

իւզ, պանիր մատաղացու, ոջու*) և հոգեբա-
ժին. այդ բաւական չէ, թէմը պարտական է ու-
ղարկել ձրի մշակներ, որոնք վարեն, հնձեն վանքի
արտերը: Ես ինքս ականատես եմ եղել Լիմ-
Անապատի մի ժողովարար վարդապետի բռնու-
թեանը: Գիւղացիք չէին կարողացել նորա պա-
հանջած իւղի քանակութիւնը ամբողջապէս
վճարել: Հոգեսէր հայր սուրբը անիծելով գիւ-
ղական համայնքի ամբարշտութիւնը, եկեղեցոյ
դուռը փակեց և բանալին գրպանը դնելով հե-
ռացաւ: Տարակոյս չը կայ որ մինչև գիւղացիք
նշանակեալ իւղի պակասորդը չը լրացրին և
քանի մի ֆունտ էլ հայր սուրբի սիրտը և օրհ-
նութիւնը առնելու համար չ'աւելացրին, եկեղե-
ցու դուռը չը բացվեց:

Էացի այս վանքական պարտադիր տուրքերը,
անպակաս են լինում միշտ պատահական ժողո-
վարարութիւնները. օրինակ վանքի պարիսպը
քանդվել է, կամ մի այլ վերանորոգութիւն
պէտք է անել, այդ ամենը թեմականների պարքն

*) Ոջու նշանակում է կամաւոր տուրք: Ոջուն եւ կո-
ղոպուտը միոյն սուրբ կարապետի եւ Մշոյ վանքերումը
հաւաքելու սովորութիւն կայ: Սուրբ կարապետի վանքը
ամհնամեծ թէմն ունի, որ բաղկանում է 7 դուռաւից:
Նոքա մատակարարում են 300 հոգի միաբանութիւն ու-
նեցող վանքին մի տարումը երկու տարուայ ուտելեղինաց
պաշար: